



稽留山人集目錄

第十一卷

微帚集

詩一百五首

澹公寓西郭門外以足輶闕訪賦寄 題王文長兼

葭園 送庶華歸里 太子少保宛委少宰輓詩

螺浮給諫招同且庵侍御眉山戒三臥山三太史飲

寓樓梨花下有賦 送澹公還津門作 祝徐欽我

初度 贈本郡官雪湄司李 韓英其來燕山有感

賦贈 送陸左城赴袁大中丞幕府 贈虞咨岳

爲邵蘭雪悼亡 送翁慙初出守龍安 送許天玉

明府之任安定 送吳錦雯司李端州 贈朱人遠

詠階前葡萄 銀桃 送張牖如旋里兼訊甫草
無題 文園歌 虞美人歌 送徐原一孝廉歸
崑山 送嚴廣成歸里 八月病中作 病中訓吳
次公兼送其遊卽墨四首 送子箕歸禹航 清徵
新聲 送張孝翼還里 祝乘六封翁六袞初度
送機石封翁歸山陰 送楊自西都諫以內陞未補
旋里 送岱觀之河西 龔安西擢農部郎有贈
九日龔大司寇招集黑窰廠病不克赴遙和席上原
韻 送王錫九侍尊公還里 趙天羽孝廉尊人雙
壽 贈山陰姜鐵夫處士 送吳蘭次出守吳興

壽龔芝麓大司寇

稽留山人集第十一卷

乙巳

詩一百五首

武水陳祚明肩倩氏著

澹公寓西郭門外以足跛開訪賦寄

禮樂朝元會輪轅止近關風塵十里路悵望阻追攀屣履
悲重趼冠裳想玉顏向來携手夢合沓認河山

題王文長蒹葭園

高士耻素食躬耕隴上田輟耒坐茂樹時時手一編

草亭望終南落日銜返照藹藹西村烟蒼蒼接遠嶠

吾聞王右軍篤喜種果樹垂垂礙客冠纂纂三徑路

食力懷本始為祠祀先農神來黍稷香神去風雲從

泫泫青蔬滋晶晶白沙廣主人抱甕來立聽流泉響
兼葭秋作花白露何瀼瀼伊人不可見宛在水中央

泫泉
白露

送庶華歸里

古云門第高可畏不可恃盛滿雖天篤崇高逼人忌通國
既具瞻衆情競求備長宜自俯躬莫但矜快意於今方進
身況復在弱歲畢生思所立萬里於此始惟謙善與人惟
慎能集事惟和物無忤惟儉用不匱勿言人所羨旁看好
譏議勿言吾無懼背面有怨恚失意毒螫加患隱不及避
人生須自庇父兄何貴勢羣譽猶恐失交毀便成棄身偶
托戎行本是詩書輩長鎗與大戟使人易麤厲緩帶古儒

流恂恂每謙退扁舟宋曹彬大樹漢馮異能以功名全必
也德性粹臨岐言諄諄無乃吾老悖歸試質高堂若善當
永佩

太子少保宛委少宰輓詩

塗車行率野素紼送傾都名世功難竟浮年日易徂同歸
真一德大用止三孤不少黃扉業長將紫極扶

其二

延英初獨對叅政卽平章日侍天顏近宵歸密語長絲
言人踴躍蓮燭獨趨踰渙汗逢今日蒼生倍不忘

其三

五柞巡遊出千山翊衛過七車詢浴渭五老驗觀河行在
書思對昌言喜起歌小心承主眷陟降從鳴珂

其四

王多逢盛世主聖得賢臣玉筍公門彥金華鳳沼人十年
模楷重六翮羽毛新此日哀師淚招魂盡濕巾

其五

股肱資率作喉舌寄匡扶衡鑒清行列金錢會晚輸畏人
知却餽焚草請蠲租家乘疑猶闕誰傳密勿謨

其六

元老開邊略降王奉冊迎片言安反側萬里靖戎兵稠疊

穿雲嶂崩波併日程到來纏一豎辛苦爲蒼生

其七

銳意求方切多林任獨隆萬幾優並理三命凜滋恭謗
議人言小憂危帝鑒通不爭須論定千載惜孤忠

其八

自下烏號淚孤臣毀瘠愁今皇知舊德少宰付清流啓
事方頻上除書肯濫收憂勞成肺疾請急竟彌留

其九

投大臣如醉名言帝念茲予休因特詔強起冀他時辟
穀餐松晚巡花行藥遲猶聞五日假空繫九重思

其十

消渴時時劇扶衰藥暫勝百篇猶夜讀雙鶴引朝昇正寢
登高座層霄載一乘神歸扶玉軌星暗驗金繩

其十一

欸欸寧親意依依愛弟仁滌膺長俛首共被不分身夢草
詩盈卷看雲淚滿巾豈知黃閣老翻慟白頭人

其十二

師友嚴投分交游滿誦聲書飛輕一矢金贈倒空籛謀事
煩忠計居恩耻市名人今曾識面濺淚共心傾

其十三

大雅千秋絕儒林聚訟多折衷嚴玉尺得失辨金科八代
浮華句已人下里歌驅除堪述作文喪命如何

其十四

僕本空空者飄零一賣文豈能歌白雪謬許附青雲假館
淹年歲論詩到夜分影孤悲後死筆研爲公焚

其十五

慟哭無時日驚心閱歲年空看移鶴駕猶未卜牛眠蕭寺
棲孤柩青郊閉一廛千秋功業盡白草翳蒼烟

螺浮給諫招同且菴侍御眉山戒三臥山三太史飲

寓樓梨花下有賦

朱樓背鳳城凭檻玉河清況有梨花發當軒雙樹榮畫欄
扶翠蓋錦砌藉瓊英向夕傳杯緩笙歌雲外聲

其二

並河卜地勝結宇好樓居山色侵珠箔花陰覆綺疏庭寬
容布席門迴共停車無遽思尊鱸金閨樂有餘

送澹公還津門作

歲晚朝正使畱止城門外時予足輒裂屨跚步狼狽不得
走見君尋君托夢寐既朝許入郭道觀駐征旆予亦能強
行把手各言快與予邸舍隔三里衝塵盞予出須籃輿不
出每坐大過君不得數蒼蒼望烟靄既無連牀話又闕斗

酒會身賤作客窮時艱仕宦憊令甲法一切吏豈文無害
凜凜服官常兢兢俟報最況君抱苦節空囊乏貨貝所喜
曠懷殊世事何芥蒂徘徊顧宮闕周覽觀王會吟詩雅頌
和協律絃管配詠歌聊自娛翻覆忘物態天涯生芳草故
山有松檜此時鱖魚羹不異鱸魚膾瀕行讀 詔書肆青
兼已責莫言爻占遯或者道方泰行矣幸勉旃蒼生應仰
賴予若得還山勞君給麤糲

祝徐欽我初度

驚代元龍氣於今見偉人不輕青眼對正使掇皮真臥愛
羲皇樂傍看伊呂親五湖鷗浩蕩高蹈足千春

贈本郡官雪湄司李

邸舍初投刺春風快飲醇官方司執法物望總歸仁昔者
天人策煌然殿陛陳名高羣彥服學是大儒真佐郡循良
試明刑律令親巴川流浩淼棧道插嶙峋地入刀州遠銘
題劍閣新千山饒灌木十室隱荒榛重注天卿籍方移星
使輪旌飄潞水曲舟到漸江濱孔道開雄郡通都扼要津
旌旄屯戍士冠蓋困疲民鴻鴈無安堵鯨鯢剩戰塵株連
緣寇盜反側引降人武斷豪偏橫飛揚隸不馴馬牛風每
及雀鼠釁何因賄贖嗟遷史財多中季倫要囚寃不少庶
女酷焉申握粟謀難卜焚林禍或鄰軍麾參斷決行省避

咨詢懸坐多誣伏無叱怨不辰幽狴魂黯黯脫兔足跋跋
累每滋牽募嚴如束濕薪從來悲乳贖今日感祥麟拔蒜
風仍肅懸蒲俗自淳惟明知克允勿喜況生嗔旱下隨車
雨溫迴吹律春蓮池應靜對棠舍亦時循堆案何難判然
犀似有神村無鷄犬擾郡下鳳凰頻洗沐時休吏壺觴一
召賓筍輿三竺路桂楫六橋晨燈火歸湖上桑蔴到海垠
息民寧幹止愛士費陶甄囹圄空無繫華胥治可臻轉蓬
游汗湧盤木質輪囷歲歲長彈鋏時時憶捲綸五侯延客
賤四壁有家貧廣廈依昆弟公門謝主臣江郊看稅召曹
國已歌郇最績升華省昌言翊紫宸只愁鳴珮日猶滯

不歸身

韓英其來燕山有感賦贈

吾友不可見傷哉蓋代人有才真惜命以德轉無鄰宿草
遺骸露椁禾育子貧京華學干謁蹙蹙走風塵

其二

著述愁遺佚叅求信苦空簪纓名豈達轍迹道長窮詩禮
終須習饗殮不易供從來盛賓友若箇報任公

送陸左城赴袁大中丞幕府

仗劍且南征嗟君萬里行鴈行鄉夢遠馬首瘴雲生磨柝
看飛檄垂橐正寢兵徒非乘傳使不擬請長纓

其二

從來賦子虛文已似相如記室才寧展承明遇尚疎池塘
應作夢關塞望來書洱海思兄淚臨流想釣魚

贈虞咨岳

居士蕭然物外情一龕常對鏡湖清祇園聽法三車解漢
水浮家八口輕已似劉蒼知最樂應同龐蘊說無生燕山
紫陌棲棲者爲善何須有近名

爲邵蘭雪悼亡

君歸吳苑攬相思書到驚披孫楚詩何處乘風魂不見能
令當夕淚偏垂灌園白髮成孤隱取酒黃金爲阿誰秋色

依然千里月流黃機上照殘絲

送翁恚初出守龍安

僊郎視草白雲曹赤管平反用彩毫五聽爭傳清貫索一
麾何意夢三刀溪迴龍影雙旌動棧轉蛇盤五馬高莫道
京華天萬里御屏應識使君勞

送許天玉明府之任安定

吁嗟天下士爲宰始之官小邑秦中遠餘民亂後殘征途
當暑暍邊地及冬寒俸入懸知少愁迎八口難

其二

經術羣儒奪才名四海欽輕肥輪捷足撫字寄勞心地遠

無來鳥囊空有去琴稍寬兵革偃先爲種桃林

其三

二華行看繞迢遙到隴西渭河平野合蜀魏戰場迷可有
千家聚虛勞百里棲肯因征歛急不爲活蒼黎

其四

須報循良早窮邊地可嗟官厨難得酒山郭不生花旬日
方爲市高春始坐衙戴星如甃息只似臥烟霞

送吳錦雯司李端州

共嘆風塵再仕年一官佐郡歷蠻烟仍披案牘曾諧律去
買舟車便少錢石研幸饒堪潑墨端溪最潔但烹泉題詩

不易夷齊節此事君家嶺外傳

贈朱人遠

黃鐘棄已久瓦缶方雷鳴昔我年十七下帷如董生閉關
稽畱峯鷲嶺當窻橫西澗穿石落前山飛來輕夜月捲簾
坐晴日繞樹行賢公方授徒僧房望幽衡春風開絳帳往
往聞吹笙忽已三十年聚散悲漂萍老大無一成汗湯游
上京一官笑半刺萬里巴蜀程文翁豈不賢何如漢公卿
喜君名父子秀出千人英奚囊出新詩開卷使我驚擿藻
何紛葩擲地成金聲大雅不可作荒塗羅棘荆吾黨五六
人我心爲之傾鳧盟北地傑五言能老成愚山有雅奏荔

裳骨力勅顛亭氣澹蕩飛濤體崢泓吳下汪茗文偃蹇爲
司城未苦案牘冗能擅詞賦清合肥人所宗百韻一夕贖
傷哉胡宛委旣死不復生十年於越遊草衣訪巖耕頗懷
邗奕慶蕭散得遠情近見高念祖篇叶體勢明愛之未識
面重若瑤與瓊今君美無度心寫結束誠特逢美時彥衰
薄慚老僮作者與屈指細數僕欲更傳示後來人或者非
妄評世已賤儒服時初偃戎兵詩書雖滿腹不若金一籛
君尚策高足乘時影華纓彭澤倘歸來吾其杖藜迎

詠階前葡萄

並屋低棚翠蔓牽陰森碧色映堦鮮能多青實離離鞞訝

許水丸顆顆圓雨露生成條併重星河避隱葉交偏步檐
白首朝朝仰消渴頻垂一尺涎

銀桃

青桃燕市大如柶剖出并刀瑪瑙寒當日應分王母種由
來可許侍臣餐翠披冰盃炎威却玉瑩金膏渴病安莫戀
緇塵但朱陌綏山竟上未應難

送張牖如旋里兼訊甫草

已美聲名滿洛陽秋風一起念江鄉他年會薦揚雄賦此
去仍棲蔣詡堂客裏送歸多涕淚貧交失職總淒涼丹楓
白水松陵路爲問尊師馬季常

無題

柳鞦闌干花映窻紅墻碧瓦漾春江堦前傾步鸞愁隻梁
上呢喃燕自雙玉臂肌銷鬆寶釧朱顏影瘦怯銀缸宵深
誤擬羊車過亂竹搖風引吠厖

其二

當時覆額髮氈氈選入昭陽始十三衆裏生憎堪並后君
前未敢說宜男輕離湯道征遼偶不嫁從教就木甘腸斷
宮絃聲不返愁心終日望江南

其三

守宮沁入玉肌溫雪裏桃花一片痕灼灼持爭春照曜輝

輝相映月黃昏春風柳暗遲歸憶夜雨苔荒早閉門不道
紅顏矜妾貌惟畱丹的表君恩

其四

君王深坐景陽宮結綺臨春複閣通倉猝兵來誰得避陰
沉井底不教同迷樓爛熳瓊花發廢苑淒涼玉樹空只飲
石頭城下水孤身白髮老江東

其五

嫋嫋腰肢恰恰身年時嬌小怯橫陳玉魚銀海迷黃幄金
鴨爐山冷繡裯分得奩香誰耐蕤望中陵樹不知春銅臺
直到殘鴛瓦妾意何曾化作塵

其六

閨中少婦本良家獨守空房不怨嗟絕代佳人愁日暮從
來蕩子易天涯生離死別魚書杳水宿風飡鳥道斜已分
飄零如柳絮敢言容貌比桃花

其七

霧髻雲鬟新嫁娘低頭暗壁尚羞郎深閨轉側三朝寢大
編嵬峩萬里裝夢裏容輝疑髣髴歸期書信總荒唐陌頭
桑下如相遇君到方知此婦剛

其八

盈盈十五嫁王昌始畫雙眉澹澹長施粉施朱嫌浣色工

顰工笑不關妝將蓮鬪豔仍餘態比玉矜香別有光可惜
巫山雲雨意只憑爲夢到高唐

其九

漢宮妙選記曾經嘉禮初將詔旋停火齊霞頰終不吐玉
簫風咽最堪聽寸心預化山頭石往事長沉水底星惟有
斑斑千古淚秋風竹裏慟湘靈

其十

百兩車來曳珮升非烟非霧雜香凝國門欲到捐賓客永
巷何曾薦寢興絃上將心傳綠綺壺中有淚貯紅冰千秋
同穴分明誓總帳塵生痛不勝

其十一

六街春色惱當壚紫陌楊花糝雪鋪壓酒儘沾燕市客低
鬟不盼霍家奴藏鶯小閣窺朱萼胷蝶閒園萼綠蕪莫笑
洗多紅色淡吳羅只著嫁時襦

其十二

南里鳴鐘北里歌侯家樓閣掛銀河明璫耀首雙鬟重紅
錦纏頭百疋多夜月殘機經白紵秋風破屋補青蘿莎鷄
絡緯休無賴屈指孤眠十載過

其十三

斜插金釵鬢已絲冶容無復鬪蛾眉梁鴻廡下曾相敬宋

玉墻頭不肯窺別有深深金屋貯長將宛宛畫簾垂琴心
只愛孤鸞曲羞把秦簫學鳳吹

其十四

不因十斛買明珠解道羅敷自有夫骨節能鳴非琥珀頭
顱可碎抵珊瑚佳人難得愁天子妬婦猶憐況老奴直置
新聲嬌百轉蓮花爲面雪爲膚

文園歌

文園草長車轂澁青苔濺露流螢濕研池毫腐墨花繡閃
閃書燈湘鬼泣糟牀瀉香學水鳴鑿壁窺春春有聲驪驪
蒙茸沾不成蘭膏夜燼紫霧生秋水渺渺雙瞳矐矐光
几蒸薄雲馬尾四五秋蛇縈酒家樓臺接天起當筵倒捲
銀河水茂陵才人渴欲死

虞美人歌

公矛倚壁劍嘯匣重瞳迸淚濕金甲斗帳煌煌照大星帳
前宛轉桃花頰憂鐵鎗金萬馬洵楚歌結陰黑山擁死灰
鰲面健兒恐兜鍪不及蛾眉勇玉龍掣得當心捧旗尾嘯
風馬毛聳電光未滅頸血歎香魂蹋雲手猶動山河破碎
孤墳小濕露啼紅長花草秋風歲歲彭城道

送徐原一孝廉歸崑山

縣令急催科亦云文網密豈宜任吏胥周內舞刀筆三吳

財賦數征歛索已悉徃代懲後服久哉踰什一兵餘井畝
困十戶九空室逋租積累歲實緣民力絀或謂因大家輸
納不時畢追呼若罔聞莫敢加鞭扶麾下列主名纍纍罄
簪鞞羅織無孑遺各已論如律簿書自有籍官歛亦有質
一切用羅織陷文不可出君家昆弟賢奉身常戰栗郭外
纔二頃墾闢半種秫兩稅恒豫輸三秋多暇日吏議變白
黑株連失情實巍峩對天人燕樂聞笙瑟鳳池謫騎省孝
廉返蓬筮榮辱何足論茲名竊所疾 九閭鬻虎豹天門
高峯萃泣血前致詞蓄憤一披述反覆下有司輾轉須勘
詰明徵在簡牘昭晝不可匿固宜十世旌永作簪纓率章
服雖俱還案牘煩甲乙仍歲事奔波南北走達術昨來犯
霧露風雨勞泚櫛今年觸炎蒸塵沙馬一疋餘感及凶荒
新詩滿緗帙 詔可始言歸田園理榛蕪想當黍稷成視
膳進芬苾衡門雖苦饑婁江映清泌改歲秋節邁公車復
馳驛上苑花更開池塘草初茁朱邸要惠連金閨同輔弼
莫愛玉峯幽巖洞採精木

送嚴廣成歸里

奉嫂驅馳自昔年寧親始棹五湖船經秋同舍成何益卒
業譚經已漫然朱戶笙歌長嘒嘒大堤裘馬足翩翩梅花
春釀監初熟庭下稱觴樂事全

八月病中作

自我再游燕年齒日衰暮淒涼旅舍間荏苒歲月度金門
非所戀沉吟不能去以文賣黃金乃爲八口故低眉弄筆
硯俛首講章句交游亦不稀過從盡鷓鷯愛好情綢繆悃
欸通誠慄詩成走使趣酒座登車赴一心役萬感半日裁
十賦冥搜若抽裂應俸須辦具將離神已失無寐宵常寤
人壽能幾何諒非金石固今年患炎蒸霖雨復傾注積熱
方毒淫濕氣所會聚仲秋疾併發下利日無數腸中痛似
割五臟皆濁汚容顏漸枯槁疲繭妨舉步精散志已昏脾
泄病成痼困窮念骨肉漂泊悲異路徒憐昆弟饑乃爲詩

書誤曷不把耒犁田間事種樹或者勝負販市上走如鷲
亦可覓升斗團樂糜共舖文章時所賤貧賤衆交惡辛苦
爾何功顛連固宜屢我死不足論我家復誰顧亦知齊彭
殤恩情內纏互伯牛嘆命夫子淵稱殆庶朝聞夕死可道
也我所慕且當尋真如冥然息衆慮

病中訓吳次公兼送其游卽墨四首

同客燕山君又行蓬萊閣上見潮生戴星茂宰清貧日獨
喜能高父事名

其二

治平馬上賤詩書賣賦何人識子虛漂泊總爲千里客觀

濤猶勝病相如

其三

南州吾弟尚孤征，獨羨君兄秉耒耕。
幾日南陽龍臥起，天衢並駕指橫行。

其四

結束征裘短後衣，紫駟拋鞚去如飛。
茂陵消渴徒高枕，悵望河梁淚一揮。

送王子箕歸禹航

此日金閨籍英才，欲斗量停年除日俟。
愛日舞衣長雙徑，蒸霞赤三茗裊露蒼晨昏。
聊慰藉椒酒得親嘗。

其二

老材須賴積韜穎，歛新礪豈少妨賢路。
猶虛望法星斲歸依，茂竹不忘聚漂萍。
旅客偏畱滯，乘風美去舲。

清徵新聲

鼓吹笳如沸，旌旗隊若雲。
平明車駕出，執豕祭將軍。
堂子肅陰岑，祠官儼齋戒。
將軍果何人，能令天子拜。
會鼓復傳芭，殺烝兼委體。
萬乘必躬親，四時無廢禮。
聖壽宜無恙，皇婚祝孔嘉。
泠泠九月朔，肅肅五雲車。
由來通國畏，但願將軍喜。
福祿自天申，將軍亦醉止。
亂曰：生願拜將軍，死願隸將軍，
不得見將軍，何許慟將軍。

送張孝翼還里

景暘匹騎走燕臺廷對還因憶鱸迴衰柳三秋逢此別早
梅十月到應開專城通籍猶嗟晚五馬治中未展才關下
賢良仍特舉公車載筆待君來

祝乘六封翁六表初度

江城耆舊絃歌宅魏闕名卿車益還篋裏尚餘封事藁庭
前不愧受經年從看鷗鳥忘機暇恰有鱸魚入饌鮮莫道
黃花開已徧徧宜栢葉媚華筵

其二

朱門每共夕郎游解道傳經學本優著述纔看周甲子封

章每上合春秋承顏親亦頒宮綵高會星偏逐畫舟及到
之官長迎養安車華髮未盈頭

送機石封翁歸山陰

綵鷁還看發潞河仲冬臨泛鏡湖波里中父老長相憶堂
上賓朋定若何名比三君應轉重人非二仲肯容過寄園
花柳春俱長白筍青蔬映薜蘿

翁家後圃
名寄園

其二

五千里外烟波濶南北爲家聚首難越嶠松楸宜省視燕
山棣萼報平安朱顏孝婦思春酒黃口遺孤泣素冠此去
何時到京洛花時猶恐對愁看

其三

雲門山寺若耶邊大隱者英步昔賢長恐瞻雲迷梓里莫
因觀海嘆桑田逃禪久是宗雷逢挾策爭看軾轍賢人世
浮雲何足問未妨作序永和年

其四

不材忝竊從遨遊憶昔常登元禮舟最是傷心看獨往自
憐乞食竟長留爭程珍重風湍穩閉戶高閒松菊幽茗椀
詩箋思侍坐莫教稍別遂三秋

其五

哀樂能齊學老莊膝前元老任彭殤只愁旅櫬歸何日漉
有孤孫在此鄉未可全忘來北道差看自解念西方黃花
翠竹如懸悟萬里仍同朗月光

送楊自西都諫以內陞未補旋里

卓哉名諫臣直節無比倫所憂繫社稷其大關君民往者
召循吏改宦青瑣新是時南苑游車駕常一巡歲必四五
出出卽留數旬平原草蒙茸馬健鷹亦馴羽林甲耀日列
陣如雲屯幔城環帳殿露宿衛虎賁馳驟試角逐射獵無
冬春凜風或裂膚赤日方揚塵扈從敢言勞乃亦念一至
尊剴切相如書冒昧對仗陳九重赫斯怒飛騎立召詢碎
確交雷電跪之行宮前謂此務講武國威藉常伸豈云好

游畋割鮮誇染輪初進昧大體摩切及朕身欲以盤樂規
方朕何代君 帝親擐甲胄介士從逡巡晝漏易三時將
以晡至申往來馳道間出門復入門屏息長跼俟草際委
垂紳來過輒嫚罵甚或撫劔看詰問至再三盛氣方怒噴
自知爾罪不試思朕所云再問默無對三問亦不言念當
自引罪非我中心誠唯諾聲一吐 天威轉爲欣順從臣
計得拒諫成大愆 帝亦本知忠未慣聞犯顏爭勝聊迫
脅譙讓辭紛紜欲使免冠謝不謂如石人頃之稍顧笑辭
色漸已溫爾徒知好名朕豈憚從繩古來善歸君諫草退
則焚翹翹但沽直以朕爲荒湛此寧非矯激臣道當不然

於是一叩首罪實在微臣臣愚昧忌諱照鑒賴 主恩薄
暮始引出謝表上詰晨但以慙自居終宜減于田當 上
動色怒倉猝撓逆鱗舉朝爲股栗不測懼處分進對無作
容退食有恬神直聲震天下眷注亦已殷封事歷 兩朝
利病靡不宣徃者畿輔旱十疏勸憂勤恤民莫若仁應天
不以文求言當廣採薄賦兼省刑近者彗星出修禳請諄
諄其出已數月所歷十五辰一言感玉几赦書下鷄竿卽
夜滅無迹至哉誠動天特簡始升卿不次拔擢先昌時能
庸賢蒼生轉愁辛不得更論事翩然去梧垣虛秩未卽補
扁舟指江津青史已屢書錦衣乍言旋我本田野人結交

亦有因因緣共梓里邸舍從朝昏欽此蓋代氣壯徃志必
申豈知體貌羸和易復可親其弱不勝衣卽之如飲醇入
朝抗疏上出朝惟掩關開卷讀古書到門無雜賓脫略忘
貴賤嗜我情性真茲行得省侍椒花獻盤餐海門觀濤秋
山麓探梅春莫以戀斑斕遂忘展經綸

送岱觀之河西

卑棲小邑官仍謫密望深文逮可傷幸聽啼烏寬北寺重
騎羸馬向西涼千山垂老游邊塞八口無依寄遠鄉我亦
漂零帶長鋏客中送別爲霑裳

龔安西擢農部郎有贈

天下民力疲供輸無有一邑無逋租安西近邊況貧薄舊
令接踵窮追呼千鎰捐爲萬家入十年困已一日蘇新遷
粉署豈倖致憂國正藉多良謨

九日龔大司寇招集黑密廠病不克赴遙和席上元

韻

病榻跌雙膝層關閉十重所嗟逢九日不與望千峯小室
燈從暗深杯藥故濃將無珠履散鄰寺已鳴鐘

其二

出戶人扶看頽檐戀夕陽肺衰秋栗栗目斷感茫茫挈榼
思賓席登臺攬帝鄉從知戲馬路直過鬪鷄場

其三

謝公墩不遠昨歲亦同登久客淹燕市中消臥茂陵鄉心
隨鹿豕物化感鳩鷹病骨知歸否秋原欲飽騰

其四

游看羣彥美地俯萬家高醉定吹哀管饒猶想濁醪莫愁
循塵尾已悔似鴻毛七發如能起賡歌聽禹臯

送王錫九侍尊公還里

羨爾烏衣巷連枝桂樹樛更看鋒發早實有火攻愁綵筆
嗟懷寶斑衣逐放舟春風吹紫陌還待璧人游

趙天羽孝廉尊人雙壽

天羽兄弟六人尊公有隱德

細數名賢美深增耆舊思鹿門襄漢里皂帽建安時自有
青精飯能多玉樹枝吳山兼白嶽來往德星移

其二

一鷲飛鳴早仍餘五桂繁雙旌猶擇地萬石會同門象誥
隨紆紱翻簧傍舉樽龐眉憎品服翻誤灌閒園

贈山陰姜鐵夫處士

若耶溪頭渭川子十載才名滿人耳口誦六十萬言書手
編二十一朝史興到時時吟小詩五言大雅真起衰齊梁
綺靡盡洗滌陳薛風流今在茲王生扇上見君作愛君不
異丹山鶴心欲結交不敢言自顧深慚才淺薄今年偶復

來燕山逢我臥病方掩關叩門授我詩稿讀長篇短什文
斑斕不嗔往來頗疎節此禮豈爲我輩設淒涼旅邸肯三
顧洪鐘待叩聲不竭上下兩漢逮金元發凡起例向我言
芟除蕪穢存事實本末俱備詞不繁此書人生閱難竟三
分損一從省併後人無患披閱勞來者可免空疎病用意
諒厚力已鴻寸心慘澹經營中安得便付剗劖氏頒布天
下畱學宮古來著書期不朽富貴於我乎何有公卿或笑
詩書賤輿臺但道布衣醜我刪古詩亦未成升斗爲重筆
墨輕君歸但隱雲門好我若能來且耦耕

送吳茵次出守吳興

郎署麾初出吳興去亦佳山容窺郡郭水面啓官齋井稅
兼林澤湖雲浸市街行春將畫舫不異着青鞵

其二

簪筆趨華館含香屬夏曹名虛詞賦重才易簿書勞晚調
馮唐出清貧陸納高雙旌苔雪路襍被泛輕舸

其三

郡是湖山勝人今土俗非卽知農是本及到訟應稀告密
全知悔流亡盡自歸惟將若下酒朗詠坐漁磯

其四

邸舍隨觴詠依仁十載餘何曾卑短褐此去羨高車故甲

溪山近他鄉歲月除微黃應可待關下聽鳴琚

壽龔芝麓大司寇

天下誰言事思公在栢臺上卿人再陟武帳奏頻開紫禁
篝燈讀蒼生扶杖來凌霄餘茂樹千載護風雷 栢臺

執法星為使單車度嶺行不論河內火實厭五溪兵涕淚

南征賦烽烟北望情春風隨握節到處早梅生 過嶺

古寺蕭蕭樹長風謾謾吹日斜畱岸幘月出坐銜卮碧色

侵飛蓋濤聲間奕棋因公多勝集不忘吐茵時 慈仁聽松

聞道南徐勝秦淮簫鼓舟未容枚叟從多美謝公遊水漲

龍江夕山空牛渚秋從來憑吊意車騎漾河流 秦淮

我里西湖好公來恨不從水光浮竹葉山色繞芙蓉淪茗

尋龍井飄花指鷺峯卽今方曳履何日更携筇 西子湖

忠誠思 入告慘淡草封章見跋頻呼燭書題自閉囊登

車須削牘晏坐只焚香 詔下仍驚問誰知惠澤長 密奏

夜雪千山白高齋眺玉河那能無米汁只擬坐雲窠鹽撒

和羹用花飛點席多醉眸峯色露佛髻湧青螺 繡佛閣雪眺

野墅雙槐老婆娑萬古心草滋鋪翠褥花落散黃金命駕

賓隨主畱詩後視今千秋撫嘉樹元老此登臨 槐陰藉草

芙蓉三十二屋裏卽青山泉石聞絃響煙雲潑墨殷尋常

采榮意膚寸作霖還魏闕畱應悔巖棲未許攀 三十二芙蓉齋

地卽長椿寺樓營丈室居曇華森戶牖忍草覆階除退食
將車過經行躡履徐默然誰問法金粟是生初長椿丈室
北林森茂樹啁哳聚晨風三握頻看髮群賢並俯躬有材
誰特達吾道合長窮欲掃公門晚徘徊落日中晨風鬱北林
岸卽牽船住颿應向日懸官齋如舊國玉樹喜春天久歷
風霜老長承雨露鮮不材惟社櫟棄擲未曾憐春颿玉樹

稽野山人集目錄

第十二卷

敝帚集

詩八十四首

元日振音齋中作

祝吳賡庵少司寇

步故山陰

少宰後園作

訓章澹公石橋送別

祝嚴都諫母

江太孺人七袞

壽鄒端木尊人

祝機石封翁錢

老夫人六旬雙壽

題海昌李媛水墨花卉圖

燕

邸寄詢康侯弟豫章因成一首

送王邁人右轄之

任山右

送戴紳黃司李廣陵

送龔大司寇請假

歸里

爲黃周輔封翁壽

知舍弟歸里喜賦

振

音贈折枝芍藥供瓶中喜玩連宵因賦

四月十八

日風雨將暝振音呼酒對花共醉賦解語花長調有
餘紙成此絕句 讀陳眉公先生讀書鏡作 贈孫
思遠 書王備五扇 書胡衛公扇 榴花 送陳
衷赤令密雲 壽姜綺季處士 至月 送范性華
之晉中 知予家買宅威乙巷當遷賦以志喜 題
畫 石埭令姚六康許爲姜鐵夫成二十一史刪本
詩以美之 送姜鐵夫 舍弟至 有堂 訓龔升
璐 送升璐之梗陽 簡練 止酒 茉莉 詠庭
中榆 秋蘭 佛手柑 折枝蘭 送吳賡庵少司
寇省親旋里 康侯弟復來燕山僦舍斜街有賦輒
和 九日飲康侯弟寓醉後率成口號 送沈公亮
令寧津 甫草自天中來燕山賦贈 題畫竹贈甫
草 壽陳定菴封公六袞初度 祝伯良史君七十
有一君婿邵大行與先兄同鄉舉 汪農部鏡庵席
上追和送隱巖上人之五臺山三首 題畫贈友
送李劬庵補任廉州司李 題王元同畫梅 贈松
陵吳虞升口號 除夕短歌

稽留山人集第十二卷

丙午

詩八十四首

武水陳祚明胤倩氏著

元日振音齋中作

館移逢改歲客滯又茲年觀主新遷好思家宿淚懸入要
情愈密多病遠應憐曉起看雲物滄茫薊北天

祝吳賡菴少司寇

五雲曳履佐秋官開代祥刑簡在寬展牘未輕丹筆判好
書常據碧梧看文風八代衰俱起交態千秋久不寒獻歲
正宜持綠酒錦堂燕喜送春盤

步故山陰少宰後園作

重來朱邸步園亭正月池塘草未青
廡裏放休隨直馬墻頭閒映讀書螢
誰堪醉眼看華屋似有高吟倚翠屏
庭樹依依人不見百年強飲莫教醒

訓章澹公石橋送別

有序

甲辰冬策馬津門留十日還京澹公餞予石橋別後成詩五章已臘寄我燕邸午春湯和

石橋吾汝別陳迹再經年獨有銷魂句
能令好事傳病軀驚雨雪薄宦隔風烟
底許堤邊草逢春綠更妍

祝嚴都諫母江太孺人七袞

壽母遇方榮徽音人所美卿從青瑣升
庭著斑衣戀鴈塔自題名鳳池冠華選
秘書讀已編言責任方眷辰告必遠

猶從容對金殿其惟嘉乃績拔擢階始
轉寧非家訓嚴抑又母教善婉弱愛長孫
顧復恩繾綣成童賢書舉冠歲南宮薦繩
武遂登瀛校文復開卷其弟立差肩一一
英姿擅倚用三冬足皆可連城銜競携五
彩毫或美大羽箭末孫最嬌小玉立雪爲
面不言心已領承志意能先已喜侍名臣
誰似饒多彥六月吳山里七旬瑤水宴
齒齒紅映酒江魚白爲饌金帶荔枝赤緋
袍前視膳走馬燕山使長孫馳急傳蜀箋
寫新詩開函文采絢峩峩名公筆一一擇
言撰彈弦當筵歌籩豆列有踐微笑領其
首醪酒酌屢嚙都未耳目衰正爾餐飯便
九列會須賢歸朝襲簪弁當知奉板

輿迢遞來畿甸家風慶有餘愛日長可行其時猶夜績習
勞不言倦

其二

四座且勿諠我歌聲未已請言昔日勞莫言今日喜佚者
思其初安者惟其始舉案從梁鴻避世隱溪水供設畱賓
客恩勤鬻孫子凜冬不衣帛晨爨或無米惟知貧可樂不
意榮至此我與令子交同心相汝爾登堂分亮厚頌德美
有以福履川方至其增未知止

壽鄒端木尊人

昔我方授徒偃蹇擔書囊到君吳山下相國舊草堂君家
饒名彥鋒穎不可當阿大與中郎竹箭材俱良君姪屬吾
黨君子爲鴈行因聞義方善亦知隱德芳興賢在初造雲
路爭翱翔已登不求逢兀傲坐宮墻栗里賦歸來種秫夏
雲黃蕭然貽一經皂帽聊徜徉鹿門龐公里高密鄭公鄉
我作汗漫游川原杳已長奄忽十餘年知交皆老蒼君家
千里駒騰蹕遂高驥春華豈足賢世路何奔忙盤錯表利
器左員右畫方百事靡不理情僞亦備嘗同人並延譽果
逢藝偕臧從政乎何有古人可比方薊門朔風烈歲暮塵
飛揚策馬跋涉歸烏裘歷風霜言當及首春婉孌進椒觴
六橋湖水碧雪中梅花香酌醴烹鱖魚腹腴如截肪不與

俗士言陶然友義皇鳳山峙岑樓鐘鼓撞鏗鏘暇日召客
飲魚羔膾河魴一編手自持朗詠坐斜陽齡可百歲永子
以多材彰吾悲旅京國不共斟酒漿聊爲下里歌或可比
笙簧

祝機石封翁錢老夫人六旬雙壽

商山鹿門號耆英鬚眉如雪皆長生亦有齊眉偕伉儷不
見繞膝羅公卿篤行惟美萬石君問安左右垂簪纓縱令
備位相天子漢史莫紀千秋名山陰少宰致身早能以經
術扶昇平延英論事常獨對殿下仰見蓮燈明微聞 至
尊屢稱善須臾 詔下中書驚口銜 天憲寄釐剔要令

薄海安黎氓冢宰司農再攝職考課理財區畫清以人事
主古所重取士濟濟爲周楨括羽盡成竹箭美樹藝併是
芝蘭榮方剛膂力勞經營蠻烟瘴雨行役輕降王反側始
歸附讐服親持使節迎尚書已是作喉舌調鼎實藉鹽梅
羹温室甘泉從出入屬車却傍 鸞輿行李星浴渭鼯鼠
見如流對問常應聲休沐歸來下馬入趨蹌庭下鏘葱珩
是時堂上有王母相隨問寢鷄初鳴五十卽看猶孺子耜
俱相敬如友生仲叔談經並早逢才名更覺難爲兄遂應
爰立豈待卜計日同升有合并畢萬始封數已盈敬仲和
鳴莫與京朱紱翟衣錦綺文玉軸丹綸手內擎臯夔事業

如浮雲有酒但宜進十觥黃帝求僊九鼎成箕尾直上乘
星精浮舟鑑裏波澄泓蘭亭修竹何菁菁燕山朱邸月滿
庭績麻漏下常二更蒯緱珠履亦到門爲壽且復吹春笙
齊驅雙驥盞雲征渥洼千里還崢嶸遲遲春日歌始升六
旬鬢黑朱顏頰閑園爲圃畦縱橫碧桃紅杏間朱櫻紫芝
手勑斲青冥黃柑携來聽曉鶯架上自擁書百城篋中何
必金滿籬爲善最樂非好名白眼笑傲知人情三徑只許
求羊尋草堂縹緲如蓬瀛白衣蒼狗不足論請茹瑤草舉
金莖鹿門商山遜亦亨我欲歌之難具陳下士大笑如莛
楹

題海昌李媛水墨花卉圖

名花欲鬪美人妝粉黛香濃翠袖長想像春閨初潑墨紅

雲縹緲映東墻

牡丹

翠竹疎疎暮雀棲啾啾日沒澹烟低依稀景物尋常見最

是錢塘古蕩西

竹雀

低垂憲草午風柔花底徐鳴有祝鳩見說遲暉宜九夏長

畱名蹟到千秋

憲花

淺籬幽徑野人家雨露花深奪早霞綠底翻枝爭翡翠卽

看結實似丹砂

紅豆小鳥

綠圃繁英綺石邊支支脈脈草蟲懸共我忘憂宜對酒與

人無競莫驚蟬蕙草螳螂

芙蓉漱灑映波紅江上秋深露滿空百卉凋殘餘麗色參

差愁殺白頭翁芙蓉白頭翁

九月風光不可忘白雲紅樹過重陽誰圖爛熳籬邊色遮

莫離披眼底黃菊

西溪花發萬家春山麓平分水竹勻及到燕中苦相憶畫

圖幸有李夫人梅

燕邸寄詢康侯弟豫章因成一首

吾弟三年寄豫章封書遙問淚千行懸知爲客偏垂橐定
否開函便促裝緣爾端憂人疾病因風傳語路蒼茫匡廬

彭蠡休飄泊歸到吳山有草堂

送王邁人右轄之任山右

行省元丞相河東漢股肱井陘旗漸出蒲阪馬須登唐魏
風何似河汾教未與單車愁此去忍爲急催徵

其二

蜀山初握節灌莽廢蹲鴟復業招何易喪親起校遲右藩
仍歷試三晉亦流離不改惟清節蕭蕭隨所之

其三

生聚誇強國凋殘早可憐稅蠲仍苦役子鬻尚無餽車挾
催犁雨村看起爨烟田租如獨領更請貸今年

其四

通籍十年餘無嗟拙宦疎由來衝瘴癘實賴計儲胥田宅
何妨少丘園莫遂初名高如內召卿月映金除

送戴紳黃司李廣陵

名門才本瀛洲客執法星看楚郡移實藉引經疑獄判莫
言佐郡起家遲昔游彭蠡風長在及到平山雨亦隨循吏
由來宜侍從特徵今是漢宣時

送龔大司寇請假歸里

請急將無擬遂初 詔傳那許臥田廬祥刑允念臯陶德
補闕寧忘汲黯書三月須歸畱印待五湖爭得放船徐灞

橋相席垂垂柳惆悵無能及二疏

其二

十年放逐尚承恩不遣單車出國門進用到今方予假許
身未老更何言鬢歸翻攪明農志稍別無銷送客魂阿閣
正宜聞鳳鳥好看黃髮向田園

爲黃周輔封翁壽

首夏時雨滋靄然潤庭榆抗懷念古昔尋覽龍門書列傳
披始末感事發長吁報施感天道貨殖誠良圖客邸靜無
人走使到門呼授我懷中刺華箋與之俱我友四五人姓
名列上頭啓事八九行其語甚獨殊隴右伏羌邑地僻天

一隅風俗古樸畧力田少爲儒歲儉民食艱穀價騰踊初
黃公窘倉粟狼戾萬石餘致富非強求賀者皆在閭長笑
啓肩鏹慨然散積儲但取不論錢負戴滿路衢任氏富金
玉王侯亦不如牟利貴因時作計何太疎平生抱龔汲亦
或循墻趨福善乃在天此理將恐誣有子通一經弱冠薦
鄉書題名於鴈塔含香步金除此邑數百年寥落簪纓無
崛起盛文名荒塗闢榛蕪始知稽古貴經術可起家牧者
棄其筮耕者釋其耨父老坐太息呼兒誦商詩誦詩亦何
爲豈若德不孤孤竹不足笑三槐固可符我爲黃公壽協
律中絃歌傳語讀史人無爲司馬愚

知舍弟歸里喜賦

家信今朝得縱橫吾弟書未開如見爾無恙不愁余酒遂
同兄飲金堪給姪餘只愁無煥席顧僕問脂車

振音贈折枝芍藥供瓶中喜玩連宵因賦

客舍晴窓稔送春名花折餉轉驚神傳餐之傳看泛愛香何

擇遞插交加色鬪新斷梗聊滋需得水重苞趣綻怕兼晨
龍鍾無興休相謔繞案宵應嗅百巡

四月十八日風雨將暝振音呼酒對花共醉賦解語

花長調有餘紙成此絕句

急風吹雨小窓陰賢主銜杯看朗吟千里不愁常寄跡一

人何處得同心

讀陳眉公先生讀書鏡作 有序

往見雲間陳眉公詩文書畫意未嫌謂是噉名客
世多耳食者浮慕之已耳丙午初夏試披秘笈善
其讀書鏡一帙政如太史公云有
以也不虛耳乃賦此絕十八日也

無輕高士泖湖濱
詩句纔如休上人
今日始知銘座右
嘉言直可當書紳

贈孫思遠

黃山復有孫真人
雙瞳漸方長髯直
合就神丹起衰病
禁方疑自龍宮得
自言曾遇安期生
如瓜巨棗呼令食
解將肘後書一卷
龍文鳥篆不易識
大丹要領存目擊
更有活

人方數則教汝秘
享慎勿洩度世應
須積功德再拜長
跪授書看世所無
有妙不測採擷百
物茹精英調和五
炁運胎息求芝取
木走萬里身歷東
西與南北雷公炮
製藏十年葛君烹
煉成五色天下爭
傳扁鵲神女子亦
信韓康值偶來燕
山鶴下雲我幸握
手金臺側蒲柳早
凋患病多形容枯
稿面鰲黑刀圭與
服四五日春和洋
洋動胸臆輔益神
智通元關蕩滌穢
濁開痞塞我知其
神心默解大道浩
浩人所惑九衢車
馬來若驚伺候願
見不可卽閉門蕭
寺坐焚香興到時
時親翰墨古來神
僊愛文字才子每
奉丹臺勅我非其
人悞狎舉況污浮
名愁不克倘許見
收守

竈汲水負薪敢辭力從朝煉藥至日晏

書王備五扇

有姜廷幹畫梅

燕山道隘不容車五月風多撲面沙懷袖幸能携素箒昨來姜九畫梅花

書胡衛公扇

衛公要余書無題十四首山谷云五月揮汗老人不堪也賦此塞責

塵起東華十丈紅自障小箒面薰風休歌哀怨無題曲情在新成絕句中

榴花

何花得似榴花赤況有千層刺眼開縱下疎簾應不隔能

成小圃欲多栽鑿空未負尋源去取醉仍勞秉燭來妬爾蕭疎扶綠葉照人紅頰漾新醅

其二

薰風榴下銜杯夜緣底知吾定有詩細數難酬初放朶頻看特有最高枝竟非安石茲誰土任插當階亦弄姿明日離迷簾外影對人朗詠莫低垂

送陳衷赤令密雲

鳴鹿歌詩日興賢二十年飛鳧試宰去小邑帝京邊營牧無氓戶饗殮仰俸錢逋逃勤破柱剽掠靜扞絃行麥村村秀栽花樹樹鮮聲名傳日下勞苦戴星前乍屈琴堂坐

須爲畫省遷家門同籍
諒始逢望騰騫

壽姜綺季處士

三年同作燕山客
市上悲歌幾度逢
老去看君真跋扈
衆中形我倍龍鍾
烟雲生態花勤寫
風月良知酒詎慵
何日若耶溪畔去
憑扶短杖亦追從

至月

至月陰初遇脾衰
總廢餐已泔拋卷
坐相勸賭棋看御
袂侵陽弱餘醴得
命殘不關蒲柳質
時令本艱難

送范性華之晉中

飄零何遽入長安
朔雪王生嚙指寒
奏曲將心挑趙女
論文抵掌傲朝官
井陘更繞關山月
幕府無嗟行路難
幾日真能携德曜
富春江上把漁竿

知予家買宅威乙巷當遷賦以志喜

攘攘居無定江山
數十遷封書來冀
北買宅駐河邊
巷僻深宜隱樓高
併是僊一庭荆藹
藹三徑草芊芊
堂小書堪貯門關
刺莫傳老兄居奧
室稚子占東偏
雨漏茆須補風來
壁未穿可能藝花
木只少傍林泉
燕雀生俱賀熊羆
夢穩眠少微無失
次天乙合當前
罷僦應餘直當
酤定有錢鄧生
通往返褚廟近
畱連真喜仁爲
美由來讓不愆
同堂安寢廟
焚燭告靈筵
蒹藻供常祀
萍蓬那各天
得無歸正

寢便欲問南船白髮猶爲客烏裘不記年他時能息轍有
屋可投椽

題畫

欲向溪頭把釣竿秋風槭槭葉聲寒雨中便憶還山好西
堰橋西竹耐看

贈石埭令姚六康許爲姜鐵夫成二十一史刪本詩
以美之

文或能無墜傳應賴大賢風華來度嶺名譽起游燕不自
輕投刺誰人屢覓船多聞如食跖小試始烹鮮勝地從容
理循聲取次遷溪通秋浦濶城近九華偏山水鳴琴裏絃
歌種樹年依然攜綵筆直可掛蒲鞭客有稽山逸行隨葉
縣僊三長窮貫穿百代費鑽研同異刊教正繁蕪削更聯
傭書難脫藁乞食誤親編俱徃邀兄事先傳與市懸千秋
同不朽未羨李青蓮

送姜鐵夫

秋風匹騎出燕關去傍雙鳧不可攀臥聽彈琴還讀史書
成藏在九華山

其二

羨爾飄然思不羣扁舟秋浦夜猿聞酒酣若念燕山客北
首應悲日暮雲

舍弟至

不遣封書報茲來竟未知到家難可駐營道亦何爲躩蹠
騎驟疾迴翔去鳳遲那堪今日會吾汝在京師

有堂

采菽行隨地茲年竟有堂美輪庸詎忍肯構卽餘慶竭力
營安宅懷居泊遠鄉遙遙題榜字夙夜慎無忘

訓龔升璐

時遂有晉中之行

玉樹知森秀蘭陵自大家傳詩從渤海溯牒競瑯琊共語
睂偏白真驚筆有花蕭蕭堪一劔祇自客京華

其二

大雅榛蕪盡良材竹箭珍五言良勁敵百韻準前人屑玉
霏霏映編珠顆顆勻不驕輕下問秋水失河津

其三

爲文吾老嫗旅食況名卑敬禮終煩定君山肯易推情通
山桂賦心愛隰桑詩刪也何曾敢知音或不疑

其四

往還艱識面相揖遽揮鞭去採唐風古來堯塞羽傳立言
先大業薦賦小時賢心逐羊腸曲行山若個邊

送升璐之梗陽

先後游燕結友遲聞歌燕市調元悲不堪遂唱驪駒曲馬

首將西日暮時

其二

行山石磴削嶙峋赤日騎羸踐莫塵回首燕臺雲不見可
能相憶和歌人

其三

一見分襟路各天前期汗湧定誰邊相思不悵三秋遠但
把君詩可送年

簡練

簡練何奇策卑之欲可行揣摩逢主者如意代諸生秀削
爭危出波瀾迴不平含毫百日過日有數篇成

止酒

不爲師彭澤脾衰實怕渠無心入蓮社果腹用瓜菹燭照
終宵醒牀欹數息徐稍能加一飯百事任紛拏

茉莉

江左曾矜閩縣花石欄含藥夕陽斜薰風細細飄朱閣新
月娟娟映白沙萬里燕山培異種三冬窟室護纖芽從開
亦愛香殊衆小摘深傷奪鬢華

詠庭中榆

庭榆徧覆重陰合見汝纔高三尺強布莢盡十聲饒飄別院
抽條舊喜出鄰墻吟風徑仰參天勢礙日全依入夏涼人

事不驚時物換老夫在鬢久蒼蒼

秋蘭

幽州亦有秋蘭發豎子昇來盡室香七月方華舒茂紫臨
風舞葉未焜黃飄零不可藏深谷倚靡何勞薦曲房三嗅
徘徊經歲晚抽條已謝去年長

佛手柑

日南佳種像金僊垂手參差絕勝綿蒸栗檀香風宛若柔
萸蠟色態卷然緇塵邸舍供書案華鬢祇林想法筵鼻觀
虛無忘色相指邊明月與親傳

折枝蘭

玉缸爛熳擢秋英金剪攜將掇翠莖出葉扶疎元競秀辭
根荏苒亦孤生無人解識臨風馥寫影猶令得水榮七節
垂垂分五瓣芸窻閒映讀書螢

送吳膺菴少司寇省親旋里

遵塗違闕蹙漾舟浮漢廣鳴鐃投浦歸衣彩循咳上歡言
昵色柔熙爾崇道獎攜稚餒分甘惟季陪持杖望車喬雲
聚在戶台星朗奉觴面曾岑滌淪臨洗瀆再考述平反三
至慰瞻仰延佇拖華紳從容稅塵鞅江梅扶皂帽汀芷搖
烏榜左席虛三事前旌戒五兩希曾雖永慕念臯實勤想

其二

秋草萋尚碧津亭見征航言念朱郎游折柳悽道傍齊聽
溷吹竽魯設寵持觴俚歌雅奏協妙繪仁風揚委蛇出西
署繾綣會高堂四始樂就正九辨哀不忘問遺有繼粟歌
頌無報章南雲引遙目北風變其涼華裊介大年飛蓋方
遠颺梁園修竹暗江渚春蘭香梧桐藹阿閣懷哉集朝陽
康侯弟復來燕山儻舍斜街有賦輒和

爲客塵須儻聊欣共里闈投予惟一榻將僕下雙扉珠桂
難交用壺觴且獨揮征衣先料理幕府辟書稀

其二

吾爾鄉園好慙慙出北門室人應徧謫吾道不堪論時序

他鄉換風塵廣陌昏莫因聞劊啄只自欲踰垣

其三

出巷數十步晨昏取易過酒翻勞爾勸詩定校予多甌小
炊紅粒庭湫覆碧柯披帷人獨在只似托山阿

其四

畱會無多日悲還異各天更投何定所願聚倘今年汲井
常知畏除階若始遷但存遺跡在千載說游燕

九日飲康侯弟寓醉後率成口號

九月九日燕山客同在他鄉寓不同過飲那堪身獨醒況
無黃菊照杯中

其二

九日弟兄天一
方年年爲客滯
他鄉尚喜飄零
借季子相過不
遠度鄰墻

其三

卽歸聚首時
今晚共客棲
身迹更分稍喜
連宵因把酒總
非九日亦同羣

其四

共汝不必插茱萸
相勸酒杯莫放疎
湘川已自悲沉石
粟里何人伴索居

送沈公亮令寧津

花縣驅車卽
帝京雲邊飛鳥下
滄瀛風流自可彈
琴理文采曾高射
策名會使時和銷
剽掠稍欣地僻鮮
逢迎戴星更勵循
良績殊擢應看粉
署榮

甫草自天中來燕山賦贈

驢車短褐走關山
京洛風塵數往還
莫薦虛爲揚馬賦
從推人在俊厨間
大河嵩嶽畱題徧
富渚商山去隱艱
未薄勲名輕轍迹
肯將瓢笠寄朱顏

題畫竹贈甫草

聞道淇園地都無
百尺枝君來曾見
否今是歲寒時
壽陳定菴封公六
袞初度

尚憶興賢重笙簧禮吉人齊驅看驥驟驚代出麒麟遂愛
萱庭日都忘杏苑春狎鷗浮雪羽躍鯉鱗霜鱗經與趨庭
習書徵定鼎新蓬池看載筆富渚只垂緡借箸憂時切投
椽化俗真據梧銷永晝採菊送芳辰名羨瀛洲起材爲冀
闕珍劒光峴斗分琴響韻成均錫衮當斑綵鸞龍賁紫
綸講筵資啟沃揆席待咨詢恭壽滋行讓蕭閒有谷神和
風森蕙圃晴日望蒲輪金液鎔調鼎霞衣照佩紳象賢能
作雨難老閱揚塵里附枌陰密家通蘭譜親穆如慚作頌
峻極詠生申

祝伯良史君七十有一君壻邵大行與先兄同鄉舉

舜江星使屬通家從識冰清蓋代誇侯國盤根分李樹德
門僊萼護棠花賓興季子應題塔高會元方亦奉車猶喜
乘龍偕大隱紫芝色映名平瓜

汪農部鈍菴席上追和送隱巖上人之五臺山三首
清齋容把酒揮塵廢論詩偶聚維摩室無攢元亮睂叅方
曾獨徃解夏送當時展讀臨岐句臺山勘不疑

其二

扶筇隨去住禮塔共人天六月層臺路千峰一錫還誰經
逢石上獨喜話燈前尚想依曇樹跣趺聽石泉

其三

此日清涼境寒山朔雪封一瓢安日下千里記雲蹤行脚
隨緣息微心聽法慵他年游五嶽荷笠許追從

題畫贈友

最愛雲林筆殘山剩水多世無高士趣耐若古人何焦墨
添遙嶺柔毫抹短蘿適君塵外意凭几得巖阿

送李劬菴補任廉州司李

重勞佐郡引雙旌瘴癘千山度嶺行郡且各廉宜執法時
從東濕但持平不貪豈問珠來去無訟何知律重輕到日
含香來 魏闕奚囊詩句有餘清

題王元同畫梅

有跋

楚林王子從余問字燕邸得見其尊人克符先生
丙午冬出其先祖元同公畫梅一幅筆勢遒逸似
顛素草書中峯運肘之法不講久矣每觀前輩書
畫隨意點染皆不苟正如王謝家子弟翩翩自有
風骨古今人不及非虛也楚林緣
此可悟書法爲題一絕句而歸之

羅浮老幹態橫斜貌出凌寒一樹花爲有心腸如鐵石能
令筆墨帶烟霞

贈松陵吳虞升口號

茂苑風流盛一時曼聲靡靡不勝悲知君雅愛陽春曲莫
道三唐盡可師

其二

千秋文雅亦從誇歷下爭衡說大家未許縑絲成美錦虛

勞剪綵綴叢花

其三

君鄉高密自宮墻同郡僊郎絕擅場老去衰來真避舍畏
看逢者更升堂

除夕短歌 有序

丙午除夕同舍弟康侯胡子衛公集柱峯
寓齋醉後漫作諷胡買妾青樓兼用自礪

吾生四十四年未聞道頻年作客風塵老重逢除夕滯燕
山喜同吾弟開懷抱況有胡子交忘形醉眠共被曉不醒
相看俱是老成輩鬢髮已白空飄零近婦人飲醇酒少年
狂態無不有未死寧知得幾春世間萬事難回首

